



kat.komp.

36789

Mag. St. Dr.

I


P

Teol. 1754 bron



36789

I



author.
R^L Hanenberg Soc. Sec.

Facile & efficax
MEDIUM

Turbulentos Spiritus
compescendi,

Id est:

LITERARIUM

nuper exortum duellum

Inter D. Valent. Ernest. Löscher;
Superintendentem Dresnensem, &
præcipuum Adversarium ejus
penitus componendi

Scenicè, jucundè, atq; etiam nervosè
Latino, Germanico, & simul Polonico
Idiomate

Omnibus, cujuscunque Fidei sint,
ad salutarem animi recreationem

PROPOSITUM

Per quendam Theologum Polonum.

Annô MDCCXXI.

Videbunt Iusti - & su-
per eum ridebunt,
& dicent: Ecce ho-
mo qui non posuit
DEum adiutorem
suum. *Psal. 51. v. 8. & 9.*

36. 280



ARGUMENTUM

& occasio præsentis Comædiæ

Unà cum Protestatione pacifica Authoris.

1. **A**nnò nuper elapsò, ubi Serenissima Saxoniæ Electoralis Archi-Ducissa proxima partui adverteretur, conclusum fuerat in Saxonia ut juxta Provinciæ cōsuetudinem, publicis populi orationibus insinuaretur. In quem finem, orandi formula à D. Pipping concinnata, deinde Dresnæ ab Officio publicè approbata, ac tandem in manus D. Löfcher Dresnensis Superintendentis tradita est: qui advertens in ea more solito exaratum, *ut DEus Prolem ad Sanctum Baptisma pervenire concedat*, delevit hanc vocem, *Sanctum*, & locò ejus *Balneum* Baptismi substituit: Sicq; corruptum Exemplar typis mandari, & per universam Saxoniam in Concionatores dispergi fecit. Deprehendit postea temeritatem Dresnensis Magistratus & reprehendit. Verùm præfatus D. Superintendens errorem, quem nuper privatim, mox publicè defendere cæpit, temerè & obstina-

tè asserens , se bonâ conscientiâ Baptismum Romano - Catholicum , Sanctum appellare non posse : Suspensus igitur à prædicandi munere : edidit deinde Tractatulum, *Theologicum Literarum Commmercium circa denominationem Sancti Baptismatis*, nuncupatum, nimirum septem Epistolas, quibus ridendum aut etiam deslendum potius, quàm seriò opugnandum errorem suum , neminem scilicet Lutheranorum , præcipuè Theologum, posse salvâ conscientiâ Baptismum Romano-Catholicum vocare Sanctum , stabilire contendit.

2. Principales rationes ejus (præcisissimis verborum ambagibus , & semoto inani perstrictivarum phrasium apparatu) summa summarum sunt tres : 1. quoniam tempore Baptismi apud Romano - Catholicos , præter aquam & Verba Christi, etiam Cæremoniæ & Ritus humani adhiberi solent. 2. Quoniam assertione tali (inquit ille) Clerum Papisticum & Romanam Ecclesiam reddemus populo odibilem & abominabilem, faciliusq; ab amplectenda Fide eorum arcebitur. 3. Quasi per Retorsionem : Catholici negant Baptisma nostrum esse validum, (quod tamen evidens est mendacium) Ergo & nos saltem negemus Baptismum Catholicum esse Sanctum.

3. Et

3. Et hæc sunt præcipua Argumenta quæ Doctorem Löscher permovere poterant, ut tantas ore & calamo inter suos tricas excitaret. Quod etiam præfatum tumultuarium Literarum commercium sui re vera cerebelli conceptus & partus sit, nemo dubitare potest, cui omnes circumstantiæ perspectæ sunt; demonstraturq; satis palpabiliter à suo Adversario.

4. Qui nuper Rescriptum simili Idioma-
te, nimirum Germanico, *Christiana Reflexio
supra Tractatulum Theologici Literarum Com-
mercii &c.* dictum, in lucem edidit, Lipsiæ
An. 1721. impressum: eoq; temerarium at-
que simul debilem argumentandi modum,
in prædictis D. Löscher Epistolis conten-
tum, amplè refutavit.

5. Quoniam tamen veris, etiam plurima
admiscuit falsa, multisq; adversus Ecclesiam
Romanam calumniis, contumeliis, fraudibus
atq; mendaciis Opusculum suum indignissi-
mè deturpavit; nec recta & sincera visus
est Intentione procedere (ut constabit ex
dicendis) ideo meretur ut ipse quoq; in hoc
Theatro Scenam agat an potius patiatur.
Ignoro quidem Authoris nomen, pensatis
nihilominus circumstantiis colligo, quod-
dam Lipsiensis Academiae Membrum esse.

Sed quisquis ille sit, *Antisophista* in præsentî Comædia nomen geret: potro Antisophistes talem Sophistam denotat qui alteri Sophistæ adversatur.

6. Et quoniam non intendo motos concitare sed componere fluctus, non exacerbare animos Dissidentium sed salutariter recreare; quin imo hos ipsos conflictantium Tractatulorum Authores, novâ & efficaci industria, usq; ad amœnitatem legentium, inter se conciliare; ideo totum opus hoc in forma lepidissimæ Comædiæ exhibeo: maximè cum Quæstio D. Löscher dubitativa, num scilicet Sacramentum Catholici Baptismatis Sanctum sit appellandum? adeo inepta imprudens atque scandalosa sit, ut ab ipsis Dissidentibus, piarum aurium offensiva judicetur, adductæ etiam ab eodem rationes ita sint debiles ac futes ut seriam & nervosam Refutationem minimè mereantur. Quanquam non ita jucunditati indulgendum, ut à seriis omnino abstineamus. Nec indignetur quispiam, quod Ego munus hoc conciliandi Altercantes, susceperim: non enim alium, homines isti merentur mediatorem, nec alia componi industria, qui verum Controversiarum Judicem & Diremptorem respuunt pervicaciter. Quis enim rixarum
finis

finis esset? uterque se jactat Evangelicum: uterque Scripturâ abutitur: uterque libertatem (an potius licentiam) conscientiæ prætendit. Prohibentur scribere, ab Alto: sed adhuc clamant, vociferantur, garriunt, blaterant, gingriunt ore. Prohibentur loqui, ab Alto: sed adhuc nutant capite, machinantur mente, scintillant oculis, strident dentibus, minantur manu, recalcitrant pede. Quo igitur factò opus est?

Inchoatur Comædia.

Premittitur Tancus pro tanta quæstus fronte galeus,
Cantus: & pro tam bello talis sit virga puello.

ANTIPROLOGVS.

*Quæ nuper inter D. Lôscher ejusq; Antisophi-
stam acciderunt Prælia, jucundo duorum
tumulentorum Duello adumbratur. Quam-
vis similitudo hæc non in sensu physico
sed morali, applicari debeat.*

7. Revocatur in memoriam & Scenam, quod non adeo pridem in quodam Regni Poloniæ oppido contigerat. Quidam Biberius, caligantibus oculis, fluentibus buccis, ardentibus genis, fluctuante vestigio in viam publicam emerferat. Nunc vacillabat

gressus antrorsum, nunc retrorsum titubabat: jam dextrorsum, jam sinistrorsum labebatur. Anima videbatur *balneô* uti in corpore, & ratio absorberi in stomacho. Disputabat lingua spumantibus labris, & vocem Biblia à bibere derivari blaterabat. Oculi adeo confundebantur, ut Ecclesiam proximè sitam profanum hospitale, & in ea Sacrum Baptismatis Fontem, simplex *balneum* esse suspicaretur. Sic exorbitabat Baccho & fastu ebrius Helluo, ut nec adstantium Principum respectum haberet, nec minas curaret. Opportunè protunc acciderat, quendam ejusdem farinae humunculum obviam venire: qui nescio quid eructans, ebrae temeritati audacter resistit, & bilem movit. Ventum est ad prælium: alter in alterius capillitium mutuò involant, huc sese illucvè raptant, nunc præponderant proni, nunc alternis vicibus declinant supini, mox emendant æquilibrium &c. Accurrunt quidem ex eadem taberna complures, simili Enthusiasmo madidi, implicatos explicaturi: verùm arcentur ab adstantibus: quis enim crederet, cæcum à cæco, recto tramite duci, fluctuantem à fluctuante undis eripi; temulentos à tumultentis componi posse ad quietem?

8. Interim stupent omnes, alii ingemi-
seunt, alii minantur, alii hortantur. At ubi
monita non proficerent, accedit illicò Vir
quidam sobrius & facetus: ego, exclamat,
facili negotio litem dirimam: arreptâ igitur
utriusque comâ, incipit nunc subridente
vultu svadere concordiam, nunc forti bra-
chio collidere inter se arietare quassare liti-
gantium capita; donec tot arietationibus
fatigati enervati coererentur manus dare,
& pertinaci duello finem imponere. Lau-
davit universus populus mediatoris Ingeni-
um, & duplici applausu coronavit: nimi-
rum quòd arte hac, & turbulentos compo-
suerit ad quietem, & spectantes ad hilarita-
tem usque recreaverit.

PROLOGVS.

9. Jam advertisti fortè Lector & Specta-
tor benevole, in dolio Diogenem, in corti-
ce nucleum, in umbra adumbratum, id est
sub temulentia specie patrum sobrium D.
Löscher agendi & scribendi modum. Vi-
disti inter spumantia certamina, ad vivum
depictam imaginem illius duelli literarii,
quod, sub duplici Tractatulo, partim à D.
Löscher, partim à suo Antisophista conscrip-
to, nuper in lucem publicam emergi ad-
vertimus.

10. Col.

10. Collige quoque ex jucunda conciliationis methodo, tanquam ex ungue Leonem, ex clava Herculem, ex pollice Gigantem, quæcunque hac in Comædia, per ordinem ad compescendos altercantium motus, exhibituri sumus. Serio autem & jucundè sequentibus Scenis atque Inductionibus septenarium numerum observabimus, quoniam 7. quoque à D. Löscher editæ sunt Epistolæ, quæ totam nobis porrigunt Dialogizandi materiam. Delectare Amice Lector, & approba pacificum Ingenium, maxime postquam experientiâ didiceris, hujusmodi infestos Spiritus, qui Baptismales Exorcismos contemnunt, posse vel ipso contemptu & ludibrio debellari ac composi ad quietem.

SCENA PRIMA.

11. Egreditur Constantinopolitano passu (ac si colles & valles pro stemmate gereret) in medium D. Valent: Ernst: Löscher, Superintendens Dresnensis: expandit pallium, non sicut in Evangelio legitur: *straverunt vestimenta sua in via*, Mat 21 v. 8. Sed prout olim Jason vela sua, aureum vellus asportaturus. Sustentat brachia, ac si cum fabuloso Atlante Cælum bajulare præsumeret. Attollit caput instar illius celeberrimi

M. Ale-

M. Alexandri Bucephali. Utramque inflat genam, quasi de sublimi Olympo omnem penitus pulverem uno halitu excussurus. Stridet dentibus, ac si Marti ferream tunicam suam discerpere intenderet. Intuetur Cælum, quasi nubibus obducturus. Rubet vultus totus, putares unà cum Æterna ignem vomere. Pennis crepitat, vociferatur ore, censeret gallum gallinaceum canere.

12. O Indignum & abominabile spectaculum! exclamant Spectatores: Doctor Löscher ebrius est, vinolentus est, Baccho plenus est, suspicantur omnes. O Superi! ingemiscunt hi, en ille qui debebat esse librorum, factus est Helluo poculorum. Ea Patriarcha noster, stupent isti, in eodem fere statu est, in quo olim Noe fuerat proximè post diluvium, cùm de vite gustasset. Gen: 9. v. 21. En Prophetam, indignantur alii, qui nonnisi de calice, prout olim Joseph (quamvis diverso omnino modo) novit prophetizare. Gen: 44. v. 5. En ille Concionator formam Gallinacci induit, cuius tamen cantus Regem animalium Leonem magis ad indignationem quàm terrorem excitat; non tam lacrymas quàm profusissimos cachinnos in Petro provocat. En ille Löscher cuius nomenclatura extinctorem de-
notat,

notat, magis novit firim quam incendiā publica extinguere.

13. Parce Spectator humanissime: falleris aliquantum. D. Löscher ebrius quidem est, sed non tam vinō quam veneno: repletum cerebellum habet, non tam musto quam muscis. Tumor iste vanitatem in quærendis, quæ apud populum plausibilia sunt, indicat: rubor denotat furorem animi, quod cæteri suæ sententiæ reculent acquiescere.

14. Sic igitur constitutus animō D. Löscher, arripit calamum, & de formula orandi eliminat vocem hanc, *Sanctum Baptisma*, ac in locum ejus substituit *Balneum Baptismi*.

15. Advertit hæc Antisophistes, & illico accurrit in medium: Quid agis fatue? exclamat: Ergonè ista destruis, ista reprobas, quæ aliorum sano Judicio fabricata & approbata sunt? qua fronte Caput Ecclesiæ Saxonicæ, & controversiarum Diremptorem, à cujus sensu reliqui pendeant Prædicantes, te constituis? qua libertate conscientiæ ideo fictitium zelum circa plausibilia coram populo exerces, ut reliquis assentationis & hypocriseos notam inurere valeas? Et si verba possunt æquiparari verberibus, inchoatur Duellum: Alter in alterius capillitium

moraliter involat. Adeste, Adeste! juvate amici:

Resonat Galli cantus: Sic sic cristati rupere silentia Galli.
Verè bellum Gallinaceum in quo solis cristis
& pennis decertatur.

16. Accurro & ego Spectator simulque mediator: & D. Löscher veluti principalem turbinum atq; anilium rixarum motorem sic alloquor: Posses te hodie tuosque motus compescere, tamq; subtilibus caput tuum humo affigere argumentis, ac ille clavus fuerat quem Jahel in caput Sisaræ infixerat, Judic. 4. v. 21. Tantum Rationum pondus in caput tuum devolverem, quod te mole sua magis opprimeret, quàm ille lapis molaris, qui olim cranium fastuosissimi Abimelech contriverat, Judic. 9. v. 53. Sed tanto molimine adversus tantillum capitellum opus non est.

17. Arripio caput tuum eo ferè modo quo Angelus illum Habacuc quem in Babilonem usq; transportaverat, Dani. 14. v. 35. hocq; tot arietationibus collisionibus & ictibus donabo, quot nuper lucem publicam donasti Epistolis, salutaria identidem inculcando monita. Tuum verò Caput D. Antisophista veluti murum singulis arietationibus objiciam: patere & tu quia meruisti,

Nec

Nec te pudeat Scenam talem agere, cum D. Superintendens etiam honori sibi duxerit, Antemurale Lutheranismi videri, ut ipse testaris pag. 26. Nec arbitremini, arietationes hujusmodi, statui vestro omnino disconvenire, siquidem etiam in Bibliis simile quid habetur Dani: 8. v.6. *Et venit (hircus) usq; ad arietem illum cornutum, & cucurrit ad eum in impetu fortitudinis sue.*

Premittitur Est merces talis, fuerat cerevisia qualis. &c.

18. D. Doctor eliminando vocem hanc *Sanctum*, & insolentem ausum pertinaciter defendendo, imo exhibuisti *grandem barbariem, inhumanitatem, & tumultuarium Spiritum* adversus ipsam *Serenissimam Majestatem Clementissimum Dominum tuum & meum*: offendisti Principes Catholicos, factus es læsæ Majestatis reus, adeo, ut in omni recto etiam dissidentium Judicio, atrociter plecti promeritus sis. *En accipe unum ictum.*

19. 2do Monstrâsti *zelum tuum esse imprudentissimum*, quoniam temerè resolvisti te, etiam cum gravissima *Potestatis* cujus subditus es, offensione, id negare Baptismo Romano Catholico (nimirum Sanctitatem) quod nemo unquam prudens, etiam è vestro gremio, ausus est negare. *En 2dus ictus.*

20. 3tio Demonstrâsti te esse *humuncionem fastuosissimum simulq; vanissimum* : intendebas enim tali arte , apud vicinas Dissidentium Provincias haberi & videri sciolus , novæ Quæstionis inventor , novi Schismatis Antesignanus : apud rudem plebeculam , Antemurale Ecclesiarum Saxonicarum , (sed quod exstructum instar illius Nidi Hirundinini apud Tobiam: c. 2. v. 11.) vir unus è millibus qui Catholicis etiam Principibus intrepidè resistat: apud tuos æquales, Doctor excellentior. Miris sanè modis , instar illius ferri apud Elisæum, 4. Reg. 6. v. 6. supernatare quæris.

21. Factum tuum evidenter demonstrat , te ita procedere cum reliquis Saxonix Prædicantibus , quemadmodum olim Caiphas cum Scribis & Phariseis quos adversus Dominum Jesum congregaverat, exprobrando illis inscitiam & ignorantiam : *Vos nescitis quidquam*, Joan. 11. v. 49. quasi diceret, tantum scientiæ in vestris capitibus reperio, quatum panis in supremo canistro magister pistorum apud Pharaonem invenerat , Gen: 40. v. 17. *Vos nescitis quidquam* : de quovis vestrûm verificari posset illud : Porro Dagon truncus remanserat, 1. R. 5. v. 2. Vos vitulo Aaronis non multum dissimiles : *fecerat vitulum*

culum conflatilem Exodi 32 v. 4. id est vacuum. sine corde, sine cerebro &c. *Vos nescitis quidquam.* Proinde Iudicium vestrum meo subijcite, sententiæ meæ acquiescite: Sin secus, omnes tanquam hypocritas Adulatores & Idiotas coram populo circumferam. *3^{tuus} ictus.*

22. 4^{to}, Manifestasti ruditatem, ignorantiam & nimis crassam ingenii tenuitatem: talibus enim rationibus conaris factum tuum defendere, quæ ima statim fronte, cuius saltem mediocriter in scientiis versato, apparent esse fuitiles & ridiculæ, prout mox palpabiliter videbimus.

23. D. Doctor, arbitraris te plus aliis sapere, & angulos domûs sapientiæ penitus introspicere: verum ex scriptis tuis colligimus, quod longam quidam vaginam portes, gladium verò admodum brevem. Multum quidem vales loqui & blaterare instar illius asinæ cui Baalam Ariolus infederat, sed & facile cum eadem cespitare: Num: 22. v. 27. 29. Jactas caput te habere aureum, sed re vera tale cui multum congruit galerus similis illi, quo Rachel aurea Patris sui Idola contexerat, Gen. 31. v. 34. *4^{tuus} ictus.*

23. 5^{to} Vide D. Löscher num sis vir tui nominis, extinguere debebas impietatem, tu

tu verò extinxisti *Sanctitatem*, & *Christiana-*
nam simul charitatem. Vide & intellige, te
re vera esse unam ex illis Virginum impru-
dentum lampadibus, *lampades nostræ extin-*
guuntur, Mat. 25. v. 8. quoniam defecit a-
pud te oleum sapientiæ, pacis & charitatis,
5tus ictus.

24. 6to *Perturbasti facto tuo quietem pu-*
blicam, excitâsti non leve incendium tam
inter confratres tuos, quam inter vos & Ca-
tholicos: valebisne Löscher talia extingue-
re? En dux caper ipse gregis præbe mihi
caput tuum durissimum & accipe 6tum ictu.

25. D. Doctor moræ & ictuum inpatiens,
teturquet adversum me iupercilium sicut o-
lim Asina contra ferientem Baalam, Nū: 22.
v. 28. expandit buccam instar illius piscis qui
Tobiam devoraturus credebatur, Tob. 6. v. 2.
circumflectit caput in omnes partes, & viam
elabendi manibus meis, tentat qua arte po-
test. Sed rogo expecta paulisper Domine
Doctor, adhuc 7rimus restat ictus, quo tua-
rum Epistolarum catalogo satisfiat.

26. 7timo, præfato agendi modo teipsum
enormiter deturpâsti, imo in cænosum bara-
thrum, vertice tenus præcipitâsti: sed quo-
modo ex hoc fætido balneo enatabis? De-
bebas oculatior finem respicere, & exactiùs

perpendere quod facilius in putridam paludem sit ingressus, quàm egressus.

27. Imaginor mihi D. Lösscher, nimis curiosè in Baptismate Romano - Catholico quærentem maculas, instar illius Astrologi, qui nocturno tempore per plateam deambulans, sudumq; Cælum extatico pænè intuitu contemplans, caput intra se discurrere: en novam in luna suspicio maculam: Leo cælestis, ut video, dextro pede claudicat: ecce amphoræ fundum excidit: jam tandem cæleste vehiculum amissâ rotâ etiam remonem fregit &c. his mentis evagationibus immerſus postquam aliquantum processisset, ecce subito fallente vestigio, incidit in plenam facibus lacunam, ita ut massa putrida, mole corporis primùm divisa, mox deinde supra caput ejus complicaretur. Vix oculi è fætidissimo balneo emerſerant, en advertit hominem temeritatem suam ventilantem in hæc verba: *Stulte altiora te ne quæſieris.* Eccle. 3. v. 22.

28. D. Doctor attende & intellige, te quoq; in simile balneum incidisse, postquam altissima Fidei Catholicæ mysteria nequiter taxando, ausus es etiam Sacrosancto Baptismati maculam appingere. *Et hic sit 7timus ictus.*

29. Antisopnutes vix non in rabiem agitur, quod parietem agere, totq; ictuum & arietationum particeps fieri cogatur. Sed condona D. Doctor, non enim sine causa pateris.

Et hinc interfre. Participem culpæ, pænæ fas esse sodalem.
pit cantus : Qui cum cognito temerè gerit arjete Bella,

mutua, pro palma, vulnera fronte refert.

30. Rectè quidem egisti, quòd nuper edito in lucem opusculo, restiteris aliquomodo saltem ad speciem ausibus D. Löscher : sed adverte imò, id te non stud.ò & animò veritatis manifestandæ ac promovendæ charitatis fecisse (prout inferius luculenter patebit) verum longè alia intentione : imò ex invidia, cum innotesceret tibi, temerarium D. Löscher ausum, reportare plausum apud rudiores plebeculam : ex vindicta, quoniam D. Löscher Prædicantes sibi dissentientes, adulatores & hypocritas appellaverat : ex spiritu emulationis & superbiæ, ne quis putaret D. Löscher plus aliis sapere : ut videre est in edito Tractatulo pag. 26. & alibi toties. 2do ex timore & dolosa astutia, dum enim metueres Divini Verbi gladium ex utraq; parte acutum, & stylum scribendi longè efficaciorum, quem Romano - Catholici

Theologi adversùs hujusmodi ineptias & errores, fortissimè stringere solent; ut tempestivè tales ictus à tuis Affeclis averteres, maluisti aliquali lucubratiuncula factum & scriptum D. Löscher ad speciem refellere, & hac arte fervorem Catholicorum quodammodo eludere. Fateris id ipsum in Præfatione ad Lectorem pag. 2. 3. Item pag. 22. 27. & 28.

31. *Adverto 2do*, quòd insolens factum D. Löscher quodammodo interpretativè approbare videaris, solamq; Epistolarum ejus evulgationem reprehendere. Colligitur id exinde, quoniam ad principale Quæsitum pag. 18. propositum, utrum scilicet D. Superintendens Dresnensis rectè egerit, mutando orandi formā & locò, *Sanctum Baptisma*, balneum Baptismatis substituendo? Tergiversaris respōdere directè, dicens: *circa hoc sententiam iis ferendam relinquo ad quos spectat*: & subjungit: *ego à circumstantiis sui facti consultò abstraho, ne fortè afflictionem ejus adaugeam.*

32. Item ex pag. 17. ubi ad objectionem istam respondes n. 3. *Non est questio utrum quis hac in parte potuerit quò ad se sic procedere (quamvis etiam talis facti reddenda esset ratio) sed utrum is per hujusmodi procedendi modum, possit insuper aliis regulam & mensu-*

ram statuere. Simile quia habetur ibidem
n. 2.

33. Sed satis interim jucunditatis habuimus : recedite jam ab invicem. Recedunt : & stupore pleni intuentur Mediatorem , quemadmodum vaccæ Portam Civitatis , quam ingressuræ sunt , stupentes intueri solent. Habetisnè quid in contra dicere ? quæro : D. Löscher incipit cum magno strepitu purgare nares , quasi naso loqui vellet : Antisophistes muleet barbam , quasi hac cauda vulpinâ conscientiam suam emundare intenderet. Sed tacete interim : erit tempus loquendi. Claudatur Proscenium.

SCENA SECUNDA.

34. D. Löscher sedet ad mensam, digito fronti appositò, totus melancholicus. Quid rogo indigitat ? indicat tot reperiri muleas in capite suo, quot olim tempore Pharaonis in Ægypto Exodi 8. v. 21. 24. Circumcirca plurima & quasi in gyrum dispersa atq; explicata, jacent folia & volumina. Illo ferè modo quo Domina sua Doctorissa indusia, strophia , mantilia reliquamq; sordidam telam lotricibus tradendam , humi dispergere atq; disponere consuevit. Explicat Tomos, integra evolvit volumina , quærit sollicitè.

B :

Quid

Quid quærit ? quærit rationes effugia quibus factum suum excusare & errorem stabilire valeat : easq; quærit cum majori anxietate quàm olim Saul asinas sui Patris 1. Reg. c. 9. v. 3. & 4. Quærit cum majori sollicitudine quàm Laban sua Idola, Gen: c. 31. v. 33. Meditatur, speculatur, ruminatur & ruminat, legit & relegit, scribit, limat : ô quantis D. Löscher obrutus est negotiis !

Et hic auditur vox de nubibus : Conceperunt laborem & pepererunt iniquitatem. Isaïæ c. 59. v. 4.

Cantus : Parturiunt montes, nascetur ridiculus mus.

35. Verbô, scribit 7. Epistolas typis mandandas, quibus factum suum defendere, aliisq; persuadere conatur, Baptismum Romano-Catholicum non debere dici Sanctum : talia sibi in persona alterius obijciens, ad quæ responsionem licet futilem, in promptu se habere judicabat.

*Interim illabitur Desuda Doctor, tibi styx mercede paratur,
vox ex antro : Tartara pro studiis præmia justa dabunt.*

36. Innotescunt hæc suo Antisophistæ, qui typis editô Rescriptô, plenus zelo an potius furore accurrit. Renovatur pristina duellandi forma. Vespertilionum more denovo implicantur capillitiis. Reassumo &

ego

ego eandem conciliandi Industriam. Do-
mini Doctores, Capri-Platones, iterum ite-
rumque caprizanda, arietanda quassanda
sunt vestra capitolia.

37. D. Löscher memor adhuc præceden-
tis Scenæ, retrahit caput, Comædiam con-
tinuare exculat. Ut quid frustra tergiver-
saris! nemo te manibus meis eripiet. In-
tuetur me velut halitu afflatum speculum:
roderet dentibus, ni debiles forent: percu-
reret pugno, si tantum roboris haberet
quantum ille Leo qui Prophetam in via per-
cusserat, 3. Reg. 13. v. 24. Sed frustra D.
Doctor:

Vana est sine viribus ira.

Hoc omnino modo, vestræ tricæ componi,
& spectatorum animi jucundissime malceri
debent.

38. Adhuc qua arte potest reluctatur
Doctor. Palpitat prout olim piscis ante pe-
des Tobix, Tob: 6. v. 4. utraq; manu & pe-
de tremulus, trepidat, ac si Dresnæ in Paro-
chiali Ecclesia organa pulsaret: vertiginem
patitur quasi Liphienfi Turri globum impo-
siturus: continuò excreat, putares tubam
venatoriam inflare. Jam incurvat os, quasi
S latinum formaturus: forsitan dicere vult
Sanctum Baptisma: jam contrahit & acu-

minat labia, quasi calamum ad nescio quid novi scribendum, temperaturus: jam expandit buccam, quasi Hebraicè locuturus: fortè ita prout in prima Epistola sua Græcè, ubi homo vanissimus vocem hanc, *Baptisma*, semel & altera vice græcis literis (quâvis id satis commodè fieri potuisset Latinis aut Germanicis) merè ad sui ostentationem expresserat.

39. Sed faciamus Insultus. imò D. Doctor, talem posuisti Epistolarum tuarum titulum: *Theologicum Literarum commercium circa denominationem Sancti Baptismatis*. Si præcisè de voce disputas, cur non posuisti, *Grammaticale literarum commercium*? Non possem satis demirari vanitatem & arrogantiam tuam: scripsisti exiguum opusculum, in quo præter inanes verborum ambages, aliquot negatorix, futes, & rudissimæ continentur ratiunculæ, ab homine obvio, qui nec primis labris Theologiam unquam gustaverat, facillimè solubiles (ut inferius demonstrabitur) & nihilominus Theologicum appellas, ut rudibus videaris esse Theologus. Si effutire aliquid non ad rem de Sacramentis, esset Theologicè discurrere, tunc toties gregarii milites disputarent Theologicè, quoties insolenter clamant: *potz tausend*
Sa-

Sacrament. D. Doctor, non omnis qui oblongum cultrum portat, cocus est; non omnis qui vestimentum viride induit, venator est; non omnis qui canit, alauda est; nec omnis qui jactat Theologiam Theologus & re vera Doctor est. *En, habes imam plagam.*

40. 2do: Si tales ridiculi discursus apud vos Theologici appellantur, præbetur toti Orbi fundamentum, tuam tuorumq; Universam Theologiam toto ore & corde deridendi.

41. Et hinc prodit in medium ex una parte Democritus, ex altera Heraclitus: ille cum fistula, iste cum Cythara: ille effusissimè usque ad ruptionem ventris cachinnatur; iste lamentabiliter, ferè ad effusionem oculorum lacrymatur. Quid ridet ille? quid plorat iste? Ille ridet quòd D. Löscher nugatorium scriptum suum, seq; Theologum jactet. Iste plorat quod Viri seculares, inter quos tam Digni tam eruditi reperiuntur, conscientiam & Animæ suæ salutem tali Doctori dirigendam permittant. 2da plaga.

42. 3tio: Proposuisti D. Doctor in ima Epistola talem Quæstionem: *Utrum quis salvâ conscientia Baptismum Romano-Catholicum Sanctum vocare possit?* Domine Löscher qui genus tuum ignoraret, simulq;

in tali materia dubium insolitum & insolens moveri adverteret, de qua nemo prudens in Christianitate dubitat; arbitraretur te ex Insula Nova Zembla dicta oriundum, in Grönlandia educatum, in Lapponia studia absolvisse, ubi exigua de Baptismo Christianorum habetur notitia. *3tia plaga.*

43. 4to: D. Doctor relinque Quæstionem hanc, utpote tuo cerebello minimè proportionatam: potiùs mihi solve quas tibi propono: D. Doctor quare asinus demittit aures dum pluviosa instant tempora? Responde. Quæ ratio, quòd pulices acerbissimè mordere soleant, quando Cælum pluit? Responde. Num ita se res habeat, & quare infans terrefieri nequeat, quando frustellum de cute asinina cunis imponitur? Responde Domine Doctor. Quare radii solares inducant lutum, picem autem emolliunt? Responde. Quare sambucus, si radatur deorsum, & abrasum introsamatur, stomachum laxat, si verò sursùm, vomitus provocat? Responde. Doctor sedet in sambuco, totus stupidus factus miratur. En si in talibus nugis experiris difficultatem, cur præsumis de Divinis mysteriis & Sacramentis frivole & insolenter blaterare? *4ta plaga.*

44. 5to: Statuis in prædicta Epistola prima

ma pro clypeo tui erroris Grammaticam ;
 vocem hanc *Sanctus* ad triplicem sensum de-
 torques : imo sumis eam *physicè* , à verbo
 sancio , ita ut idem significet ac circumda-
 rum absconditum aut inaccessibile , dicisq;
 hoc præcisè sensu Montem Sinai appellari in
 Scriptura Sanctū. O Doctor , re vera debue-
 ras prædictam supremam scholam paulò diu-
 tius frequentare : si hoc verum est , tunc u-
 xor tua quoties eam amplecteris esset San-
 cta : circumdatum enim & Sanctum juxta
 te idem sunt. Utiq; terra in qua Moyses
 stabat , non erat circumdata inaccessibilis ,
 & tamen dicebatur Sancta : *Locus in quo*
stas terra Sancta est, Exodi 3. v. 5. *5ta plaga.*

45. 6to, Blateras Sanctum sumi 2do *politice*,
 & affers exempla talia pag. 6. dicens : *hoc*
sensu Magistratus, muri, lictores, Sancti dicun-
tur, eodem sensu Romanum Imperium, Maje-
statem Supremæ nostræ Potestatis, Sanctam ger-
manico Idiomate vocamus. O intanum ca-

put ! perpende quæ scripsisti : ergonè hi o-
 mnes unà cum lictoribus ad idem Sanctita-
 tis genus revocandi ? cui tu comparare au-
 des unctum Domini ? Doctor, hîc meritis
 es ictum adeo vehementem , ut capitellum
 veluti pila de pariete resulret. *6ta plaga.*

46. 7timo. Vis Sanctitatem 3tio sumi

Theo-

Theologicè, pro Sanctitate revelata: utiq;
etiam Mons Sinai revelatur in Scriptura, fu-
isse Sanctus. Sed quid ex hac Grammati-
cali divisione inferis? Fortè intendis, Sacra-
mentum Baptismi nostri revocare ad imum
aut adum genus Sanctitatis. Imaginor mi-
hi D. Löscher stantem in vestibulo lingua-
rum, sollicitè januam quærere ad Lingvam
Latinam: palpat nunc antrorsum nunc re-
trorsum; auscultat nunc sursum nunc de-
orsum; attrectat nunc dextrorsum nunc si-
nistorsum; nequit tamen invenire Januam,
qua egrediatur aut ad rem ingrediatur, om-
nino prout olim obcæcâti illi Sodomitæ qui
Januam Domûs Loth nequaquam assequi
valebant. Gen. 19. v. 11. Et hæc sit 7^{ima}
plaga: habes interim satis.

47. Accede etiam tu paulò propius D.
Antisophista: expedit ut etiam tibi soli ali-
quot vehementiores plagas impertiar, cùm
id Rescripto nuper editò abundè promerue-
ris. Tu quidem ad hæc amarissimè incipis
obliquare buccam, prout olim pueri Prophe-
tarum, clamantes: *Mors in olla*, 4. Reg. 4.
v. 40. sed quid faciendum, omnino gustare
& concoquere debes quæ à te malè cocta
sunt. Quemadmodum enim illi Propheta-
rum pueri irreflexè & temerè bonas simul &
malas

malas, dulces & amaras collegerant, collectasque coxerant herbas, ita & Tu quibusdam veris & bonis, quibus errorem D. LÖscher refutas, admiscuisti plurima falsa venenosa & amarissima. Proinde gusta mixturam tuam, expande contrahe, explica complica buccam, & exclama: Mors in olla.

Et hic concentus resonat: Quod cocus exactè propriam non calleat artem, infulsæ caules mistaq; pisa probant.

48. In Præfatione ad Lectorem protestaris imo & profiteris, *Ecclesiam Romanam Catholicam in multis gravioribus & animarum saluti valde perniciosis punctis errare*. O mendacissime Calumniator, quàm seriò te hodie plagarem, si intentionis meæ foret, hìc & nunc spectatorum gaudia tristiori spectaculo interrompere. Tu in calumniandi & mentiendi adversus Ecclesiam Romanam licentia, omnino Judæos imitaris, qui adversus Dominum JESUM tempore Passionis ejus, multa in communi evomuerant: dum autem juberentur probare! & ad testimonia in particulari descendere: *Ecce testimonia non erant convenientia*, Marci c. 14. v. 56.

49. Doctor, monstrâsti te esse de stirpe illorum Exploratorum quos Moyses in terram promissam expediverat: hi lurcones,
ne;

neglectō officio scrutandi penitius Regionem, fortè interea apud nescio quod scortum commorati, tandem redeunt, utq; suos à terra lacte & melle fluente, seriò inquirenda absterrent, miris figmentis Regionem illam deformant: *Terra quam lustravimus* (inquiunt) *devorat habitatores suos.* Num: c. 13. v. 33. *vidimus monstra de genere Giganteo* &c. v. 34. Postquam verò spretis huiusmodi minis & terroribus ingressi sunt Terram Isràelitæ, didicerunt quàm turpiter mentiti fuerint Exploratores.

50. Eadem omnino arte, Tu tibiq; similes mira adversus Romanam Catholicam Ecclesiam mentiri soletis, ut populum ab hac terra lacte & melle fluente absterreatis: quicunq; tamen spretis vestris calumniis penitus Res introspiciunt, nostramq; amplectunt Religionem, evidenter advertunt, quàm nequiter olim fuerint à vobis decepti.

51. Quanquam, ut video, Antisophistes dum hæc scriberet, debebat per Opticam, omnia inverso modo repræsentantem, Ecclesiam Catholicam inspicere, & ideo putat, homines apud nos non pedibus sed capite incedere. Aut certè suis Phantasmatibus ebrius fuerat: Sicut enim ebrius, universam domum circa se gyrari arbitratur, ita ip-

se omnia in Ecclesia Romana sursum deorsum volutari : verum hoc accidit , non obiecti sed corrupti cerebri vitio: Ecclesia Romana firmiter stat , stabitq; immobiliter , solum verò calumniatoris cerebellum vertigines patitur. Adverte Domine Doctor , vestras cæremonias nostris omnino contraponit apud nos homines juxta piam & antiquissimam consuetudinem solent processionaliter circa Ecclesiam gyros facere ; apud vos verò Ecclesia videtur circumcirca capita gyrari.

52. 2do multa mentiris in eadem præfatione de Dominandi apud Clerum Romanum Potestate adversus Reges & Principes. Sed audi Domine Claudii , quæ tibi hac de re inculcabo : imo , Reges & Principes optimè norunt seipsos defendere , non opus habent ut blatero talis causam eorum suscipiat. 2do, Principes Ecclesiasticos grandem apud nos Authoritatem & Potestatem habere nemireris , si enim id DEUS concesserat Ecclesiæ suæ in veteri Lege (ut videre est in Aarone, Samuele, Elia, Elisæo &c.) à fortiori in Nova. 3tio, num ignoras Clerum Romano - Catholicum conflatum esse ex primis Principibus ipsoq; Cæsarum & Regum sanguine ? mi bone Antisophista forsitan non es peregrinatus unquam , ideoq; arbitraris ubique

que solùm è tripode sutoria aut sella sartoria
ad statum spiritualem adoptari : falleris : e-
gredere aliquantùm de cognatione tua, pro-
ficiscere in Catholicorum Provincias, & di-
ces, aliud de Authoritate Cleri Romano-
Catholici formare iudicium. 4^{to} Quis un-
quam etiam è primis Ecclesiasticorum Prin-
cipibus, ausus est tam contumeliosis & con-
temptivis scriptis ac dictis publicè afficere
Principes seculares, quantis eos frequenter
injuriari solent nonnulli insolentiores mini-
stelli? publicos insuper concitando in plebe
tumultus & rebelliones adversus hæreditari-
os Dominos suos : Innumeris id comprobā-
tem tibi exemplis, iisq; ex vestrorum Au-
thorum lucubrationibus collectis, ni præsens
scribendi methodus aliò avocaret. Jam
quæro, quid tolerabilius esse poterit Princi-
pibus secularibus? Principumnè Spiritua-
lium Authoritatem in Ecclesia Catholica,
modo proportionatò observare? an verò in-
ter Dissidentes, gravissimas persæpè injurias,
à vilissimo etiam Prædicatio illatas, con-
coquere? Et si Regnorum Annales evolve-
re recusas, saltem revoca in memoriam nu-
pernum ausum unius Doctorelli Löscher &c

53. 3^{to} in prædicta præfatione tua contu-
meliis & mendaciis afficis Jurisdictionem

Romanae Ecclesiae in conscientias hominum;
dicens : *dum quis in Ecclesia Romano Catho-*
lica ad abnegandam veritatem , & amplecten-
dum aliquem errorem induci aut ad hypocrisim
pertrahi nequit , etiam in corpus sevitur &c.
Et tali modo , Martyres quos primis tribus se-
culis Ethnicorum furor procreaverat , multitu-
dini eorum quos Papatus apud se Martyriò af-
ficit , vix comparari possunt. En mendacem
fallacem pervicacem homunculum ! O
mendacissimum Crocodolinum genus , quan-
tum mentiris lacrymis ! O nequam homun-
cio , quomodo rudiores populum decipis , ut
à Fide Catholica absterreas !

53. En nequissime Antisophista , luculen-
ter adverto , tantum veritatis & sinceritatis
in te reperiri , quantum lardi in culina Judæo-
rum. Sed in hoc saltem , veraciter mecum
procede : indica mihi quisnam sis ?

Respon: Ego sum Sartor : ita est , sed non
nisi talis , qui novit infamem centonem
alteri affluere.

Respon: Ego sum Pictor : ita est , sed talis
qui præcisè valet hominibus oculos
illinere.

Respō: Ego sum Auriga : ita est , sed talis
qui semper à recto tramite deflectit.

Re:

Respon: Ego sum Cocus : ita est, sed talis
qui fercula non condit sale.

Tandem respondet , ut puto , sincerius :
Ego sum Evangelicus Doctor : ita est,
quia tu cooperis nudos, sed solam ve-
ritatem : tu nutris esurientes , sed so-
lis verbis mendacibus.

54. D. Antisophista , habeo aliquid dice-
re : en ictus quibus te plagavi oblitus sum
numerare : puto tamen Dominationi tuæ
solutionem justitiam factam esse : Si quid
autem solvendum restat, sequentibus Scenis
abunde compensabitur. Interim , ne fortè
continuæ arietationes tædium aliquod pa-
riant Amænissimo Spectatori , Scenam mu-
tabimus. *Claudatur Proscenium.*

SCENA TERTIA.

55. Ad arma , ad arma , ad arma : Tara,
Tarara , Tararatanlara. Quid hæc signifi-
cant ? Bella virumq; cano. Et hoc quid
denotat ? Ecce comparet D. Löscher sub
forma Pennipotentis Palestritæ , vulgò Fe-
derfechter. Capite cristam jactat instar
galli gallinacei. Pectus à Domina Docto-
rissa pulvinari quasi lorica instructum, puta-
res Leopardum prodire in medium. Manu
sinistra clypeum stramineum , dextrâ ferrum
quod-

quoddam rubiginosum genus, sitne mureo an
veru, verè discernere nequeo. Eheu! ti-
mete populi! quàm terribilis surrexit ætate
nostra duellator: Totus in armis pusillus
Doctor, prout olim nimius ille Goliath 1.
Reg. 17. v. 23. Quamvis autem comparatio
videatur esse nimia, in hoc tamen omnimoda
quòd, sicut olim Philisthæus, ita & iste Phi-
lologus fronti & capiti non satis providerit.

56. Dum insolens spectaculum. nunc pro-
fundissimè admitor, nunc effusissimè rideo,
En contrahit frontem, rugas multiplicat in-
star Doctoralis colobii, & acerbissimo vultu
(acsi pyrorum sylvestrium liquore ebrius fo-
ret) siste gradum, in certamen te hodie pro-
voco, exclamat.

57. Malè sane quid audes? quid tentas?
quid moliris? Itanè facilè memoriâ & sen-
sibus exciderunt tot ictus plagæ, atq; arieta-
tiones, quibus te non adeo pridem affeceram
& vix non confeceram? Homunculus spem
totam in armis suis collocat. Sed quæ sunt
arma ista? Arma quibus lepidè indutum
vidisti Spectator Benevole, denotant in sen-
su morali argumenta principaliora in 7. ejus
Epistolis contenta adversus Sanctitatem Ba-
ptismi Romano-Catholici. Clypeus stra-
mineus significat primum & principale fun-
damentum,

damentum, quo intendit factum & errorem suum contegere, atq; tueri, nimirum quoniam in Baptismate Catholico multæ reperiuntur cæremoniæ & ritus humani. Crista indicat rationem alteram an potius fraudulentissimum astum denigrandi tali modo Fidem Catholicam apud suos, ut sic facilius ab ea amplectenda absterreantur. Rubiginosus mucro denotat mendaciis plenam retorquendi formam: Catholici nostrum Baptismum negant esse validum, Ergo & nos dicamus illorum non esse Sanctum. Tandem in pulvinaria lorica conscientiæ libertas collocatur.

58. His itaq; lacesfitus, provocatus, & quasi coactus egredior in arenam, & cristatum audaculum sic ante omnia alloquor: tam acutis & nervosis te hodie instrumentis compescerem, qualis fuerat gladius, quo Petrus Malcho auriculam amputaverat, Joan. 18. v. 10. Sed necesse est ut aures ad plura adhuc audienda, integras retineas. Ita cor tuum argumentis ex tribus propositionibus conflatis perstringerem, sicut olim Joab rebellem Absalonem, dum è quercu penderet, 2. Reg. c. 18. v. 9. & 14. (quanquam etiam tu nuper suspensus es, utinam id factum fuisset non solum moraliter) verùm necesse est, ut

ad:

adhuc valeas ad cor redire, juxta illud: *Memento & confundamini, redite pravaricatores ad cor*, Isaia c. 46. v. 8. Tanta opprimerem te mole, quantus fuerat ille lapis sepulchralis, Marci c. 16. v. 4. *erat quippe magnus.*

59. Sed quoniam intentionis meæ non est, te penitus contere, cum non omnino desperem, mentem tuam aliquando ad saniores sensus redituram; ideo solum arripio mandibulam asininam, id est tua propria & principalia argumenta, quibus conatus es Sanctitatem Baptismo Romano-Catholico adimere, & hac de aliquantulum, ad salutarem Spectatoris jucunditatem, utinam etiam ad emendationem tuam, plagabo.

60. Epistolâ 3. pag. 10. & sequentibus primum & principale proposuisti fundamentum, ratione cujus Baptismus Catholicum non vis appellare Sanctum, nimirum *quod præter aquam & verba Christi, plures ibidem reperiuntur caeremoniae & ritus humani.* Sed audi Domine Claudii: non agitur in præsentia de caeremoniis, sed de Baptismo, tu verò non solum caeremonias, sed etiam ipsum Baptismum blateras non esse Sanctum. Respondet ibidem: *Sed hæc omnia sunt Baptismus & partes essentielles apud Catholicos.* Mentiris in caput Domine Doctor: *Essentia Baptismi*

ptismi in illis solum conlittit quæ Christus ipse instituit : materia ejus & forma sunt Aqua & Verba Christi , ego te baptizo in nomine Patris & Filii & Spiritus S. Cæremoniæ verò & ritus solum adhibentur ad excitandam pietatem , & promovendam Sacramenti reverentiam in adstantibus : ideòq; in gravi repentinae mortis periculo , infans omiffis omnibus cæremoniis baptizari solet : talisq; Baptismus omnino habetur pro valido , nec iterari debet. Vide Doctor , quàm evidenter deprehensus sis in mendacio.

Cantus : Blanditur quamvis caudâ , ne fide molosso;
Nec parvo , magnis caligis cui famora turgent ;

Doctori præstanda Fides &c.

Experire itaq; rodentem mandibulam tuam asinam , & accipe *imam* plagam.

¶ I. D. Löscher clypeo suo stramineo adhuc se tuetur quantum valet , & præfata Epist. 3. p. II. conatur suis persuadere , ritus & cæremonias omnino haberi à Catholicis , pro partibus essentialibus Baptismi , sic argumentando : *Concilium Tridentinum anathematizat illos quicunq; approbatos & usitatos ab Ecclesia Ritus contemnunt , omittunt , mutant &c.* Ergo (infert ille) Ritus isti debent esse partes Baptismi

62. O ridiculam consequentiam ! Apud Lutheranos severè prohibitum est , ne quis cum expleto eodem die, ventre ad communionem accedat , Ergo id ipsum est pars suæ communionis. Priusquam ad Cænā quis accedat , tenetur nummum pœnitentiarium vulgo Beichtpfenning exsolvere, Ergo nummus iste est pars substantialis suæ Cænæ aut Confessionis.

63. Domine Doctor, si cœnè Theologicè discurritur ? Inclina dorsum ad *alteram plagam* , & diligenter ausculta quæ auri tuæ insurrabo : certum quidem est , illum qui Ritus ab Universalī Ecclesiā adhiberi solitos, contemneret atq; pro libitu mutaret aut omitteret, graviter peccaturum, adeoq; anathema incursum, juxta illud, Mat:18.v.17. *Si autem Ecclesiam non audierit, sit tibi sicut Ethnicus & Publicanus* : nihilominus etiam talis validè susciperet Baptismum : & ideo neminem ex Lutheranis aut Calvinianis ad Gremium Sanctæ Catholicæ Ecclesiæ redeuntibus, rebaptizare solemus.

64. Sed Doctor cristatus adhuc habet quod reponat: Ta-ta-ta-men-men : Ediffere fabulam. *Tamen* (inquit ille) *nequit saltem in genere dici Sanctus Baptismus propter adjunctas ceremonias.* Doctor, hæc vox in

genere ineptè adducitur in tuis Scriptis : manifestas te nequidem terminos Theologiæ aut Philosophiæ intelligere. Sed quidquid sit : quæro , putassè cæremoniam adimere posse Baptismo Sanctitatem , quam ex Sanguine Christi habet ? Doctor , quæro ex te , Baptismus Catholicorum estnè validus , vel non ? Si dicis , non esse validum , Ergo Patriarcha vester Lutherus (utpote ritu Catholico Baptizatus) non fuerat validè baptizatus , consequenter nec Christianus. Si verò vis esse validum , Ergo est Christi Baptismus , quomodo igitur non Sanctus ?

65. Doctor , etiam vos ritus humanos adhibere soletis in vestro Baptismo , ut sunt Patrini , impositio nominis , solutio pecuniaria facta Ministro (quam cæremoniam Sacrosanctè observatis) Ergo apud vos Baptismus non est Sanctus. Doctor , amphora vinò plena , quem tempore Cænæ in Altari statuete soles , certissimè non est Sancta , cum domi tuæ frequenter insignem crapulam ex eadem haurire solitus sis : & tamen vis Cænam ipsam esse Sanctam. *En habes 3tiam plagam.*

66. Pennipotens Palestrita noster aperit os , veluti pennas ipsas & plumas vomiturus. Ed flere : *Sed, sed, (reponit) cæremoniæ Catholi-*

tholicorum sunt superstitiosa. Ita vos blaterare consuevistis coram rudibus, sed quomodo id probabitur? Non possum satis de-
mirari cæcitatem & malitiam: tales con-
suetudines & ritus humanos, unde emolu-
mentum aliquod pecuniarium proficisci po-
test, sacrosanctè observant, ut sunt e. c. sac-
culus cum tintinnabulo tempore Concionis
resonans, nummi post Confessionem exsol-
vendi, oblationes Patrinorum tempore Ba-
ptismi pecuniariæ &c. &c. illas verò anti-
quissimas Universalis Ecclesiæ consuetudines
& cæremonias, quæ unicè ad Fidelium ædi-
ficationem, pietatem, ac majorem Sacra-
mentorum venerationem ordinatæ sunt, ini-
quissimè respuunt, & superstitionis calumniâ
ad deceptionem populi, infamant. *4ta plaga.*

67. Libenter tamen scirem Domine Do-
ctor, ex quonam fundamento, Catholicorū
cæremonias recuses appellare Sanctas, adeo
pertinaciter ut potius eas superstitionis
scommate afficias? Quid sunt Catholico-
rum Cæremoniæ? Doctor nescit, non in-
telligit, & tamen blaterat. Certum & evi-
dens est Cæremonias Catholicorum *primò*
& principaliter consistere in Orationibus Ec-
clesiæ quibus DEus colitur & adoratur: quis
Christianus Orationem negabit esse San-
ctam?

Oram? *Secundo* etiam in adhibitione quarundam rerum, e. c. aquæ, olei, vestimentorum &c. sed etiam talia, dum ad Cultum DEI adhibentur, posse dici Sancta, constat ex innumeris Scripturis, v. g. Num: c. 5. v. 17. *Assumetq; aquam Sanctam in vase fictili; & pauxillum terra de pavimento Tabernaculi mittet in eam.* Et Exodi 30. v. 25. *Faciesq; unctionis oleum Sanctum, unguentum compositum opere unguentarii.* Et Exodi c. 29. v. 29. *Vestem autem Sanctam habebunt Filii ejus post eum: &c. &c. ista plaga.*

68. D. Löcher in hoc Duello adeo incipit cespitare, ut videatur jam jam tota mole pronus in terram collapsurus. Putat, juxta Catholicos bona opera Baptizantis requiri ad valorem Baptismi, quoniam docemus, Baptismum, prout & reliqua Sacramenta, conferre Gratiâ ex opere operato. E. C. Epist: 3. p. 12. argumentatur in hæc verba: *Ergo Spiritus S. Sanguis Christi, Christus, totaq; Sancta Trinitas & omnes Res Cælestes, nihil prosunt in Baptismo, si sufficit opus operatum, quo Sacramenta Gratiâ DEI consequuntur. &c.*

69. En Idiotam, qui nec prima Theologiæ & Fidei Catholicæ rudimenta intelligit. Putas, (ut toto discursu colligitur) nomine operis

operis operati intelligi quæcunq; bona opera Administrantis Sacramentum : erras Doctor, talia enim *opera operantis* in Theologia nuncupantur ; nomine autem *operis operati* in Baptismo, intelligitur ablutio aquæ , præfatum DEI Verbum, unâ cum Sanguine & Meritis Christi. Intuere mandibulam tuam asininam, & accipe *6tam plagam*.

70. 2dum fundamentum (3tium autem & reliqua minutiora sequentibus Scenis perpendemus) quo permotus est D. Löscher Baptismo Romano . Catholico negare Sanctitatem, affertur Epistola 7. pag. 19. ubi in hunc sensum loquitur : *Per hoc pulchram nugam aut maculam appingemus Romano. Catholico Clero , quodd scilicet sub vana Sanctitatis specie conscientias decipere & rudiores ad Fidem suam pertrahere soleant.* Et pag. 22. *Per hanc denominationem, Sanctum Baptisma, posset quis cogitationem in favorem Romanæ Ecclesiæ concipere.* Et hoc vocat speciem scandalii. Item pag. 23. *Aliàs multis occasionem præberem vacillandi in Fide sua , redderemq; Catholicam Religionem plausibilem atq; favorem.* Verbò, qui rem bene considerat, advertet evidenter , hominem istum intricatis phrasibus suis , re vera hoc intendere: *Etiàm falsò, per mendacium & calumniam denigre.*

nigremus deturpemus, quantum possumus Ecclesiam Romano-Catholicam, ut populus noster facilius ab eadem absterreatur atq; in odio Religionis Catholicæ perseveret.

71. O malè svade Doctor ! licetnè ita graviter decipere populum Christi Sangvine redemptum ? Et hæc est ars infernalis, in quam locò Theologiæ diu noctuq; indefessè incumbis : Sic consuevisti homines in omni quoq; alia Fidei materia decipere. Pro tanta malitia rodet te non solum asini, verùm etiam ipsius Infernalis Draconis mandibula. Interim tamen, quoniam in hoc certamine totus collapsus es in terram, 7timum, & quidem vehementissimum paulo infra dorsum, infligo plagam, adeo ut strepitus per Orbem resonet :

Echo. Nec parvo, magnis caligis cui femora turgent, Doctori præstanda fides &c.

72. Diligenter præterea perpende, quæ auri tuæ insinuata relinquo. En Principalia erroris tui fundamenta, evacuata sunt sicut illæ imprudentum Virginum lampades, Mat: 25. v. 8. aruerunt sicut hederæ Jonæ c. 4. v. 7. fracta sunt sicut lagena figuli, Isa: 30. v. 14. marcuerunt sicut folia ficulneæ Marci c. 11. v. 21. sicut mulus Absalonis pertransierunt, 2. R. 18. v. 9. teq; nuper suspensum, hodie verò

verò in arena collapsum reliquerunt. Itaq;
etiam mandibulam tuam asininam in dorso
tuo relinquo, Vale. Doctor inclinat vul-
tum ita suaviter prout scabellum S. Michælis

SCENA QUARTA.

73. Vir quidam Domum redux affider
mensæ. Interim caniculus ejus multum gra-
tiosus, fidelisq; rei domesticæ custos, miris
incipit gestire tripudis, instar illius apud To-
biam, qui *blandimento sua cauda gaudebat*,
c. II. v. 9. Hinc inde, huc illuc circumcur-
sat, moxq; blandiendo in sinum Domini sui
iteratis vicibus exultat. Laudat, mulcet,
inescat caninam humanitatem Dominus.
Quod advertens, proximè adstans auritum
quoddam Arcadium animal, & existimans se
quoq; simili modo gratiam promereri posse,
feminino spiritu concitum, erigit anteriorem
corporis molem, & utroq; pede, excussò ga-
lero & capillitio, brachia Domini sui ample-
ctitur. Exhorruit ad tam barbaram insol-
entiam Dominus, & apprehensa arundine
ineptissimum Imitatorem reprehendit, iden-
tidem inculcans: *non omnibus apta &c.*

Non nemo hîc subridet inquiens, jam præ-
video quò collimet Scena ista.

74. D. Löscher Epist. 5. & 7. per retorsio-

nem

nem (ut vocat , quamvis re verà talis modus discurrendi , non tam Retorsio quam potius Argumentum à pari aut à fortiori dici soleat) conatur errorem suum defendere, dicens : *Iesuita Scherer cum aliis Catholicis Theologis docet, Baptismum apud nos collatum esse invalidum , Ergo etiam per retorsionem poterimus dicere, Baptismum Catholicorum saltem non esse Sanctum.* D. Doctor, ego quidem comparare te præfato Arcadio animali non intendo , ne fortè videar nimis inhumaniter tecum procedere : nihilominus fateri debeo, hanc tuam consequentiam, *sic ille fecit, Ergo & ego facere possum similiter* , non multum discrepare à prædicto Arcadio procedendi modo. Imitatio hæc æq; tibi congruit , ac similiis calceamenta induentibus, dum advertunt similia ab hominibus fieri. Retorsio tua instituitur ad normam anilium altercationum in foro piscatorio : Margaretha flava bili exardescens exprobrat Agneti, tu scortum, tu prostibulum, &c. mox Agnes retorquet argumentum , & quæ nuper ex concione , ni fallor D. Lösener didicerat, expeditè refundit, tu altera Rahab, Josue c. 2 v. 1 tu nova Thamar, 2. Reg. c. 13. v. 20.

75. Consequentia tua etiam Scripturâ adumbratur, Exod. c. 14. v. 27. Israelitæ h-
Berum

berum passum & siccum iter per mare rubrum habebant : quod advertens malitiosus & obstinatus Pharaon , cepit sic , quasi per retorsionem argumentari : Israelitæ poterant per medium maris sicco pede transire , Ergo & ego potero : sed incidit in balneum. Domine Löscher utiq; Doctor es , facile tibimet ipsi applicationem formare poteris : Sede in balneo tuo , lavetur tibi caput , & præterea ausculta quid intonetur.

Cantus : Ne Æthiopem munda , nam frustra perditur unda.

76. Et jam satis cribravimus tuæ Retorsionis consequentiam. Antecedens autem est palmare mendacium : nullibi enim restrictè docet Jesuita Scherer Baptismum vestrum esse invalidum , sed solum dicit , tunc , & ab illo Prædicante collatum fore invalidum , qui sicut docet non requiri Intentionem seu Voluntatem Baptizandi in Ministro , ita etiam re vera eam omitteret. Et hæc Doctrina est omnino certa , ut mox videbimus.

77. Reponit D. Löscher Epist: 5. pag. 16. *vel exinde colligi posse , quod Catholici Baptismum Lutheranorum doceant esse invalidum : quamvis enim videri velint non rebaptizare nostros ad se transeuntes , tamen ea qua in prior*

ri Baptismo omiffa sunt superaddere solent, vel ut vocant, confirmare. Domine Doctor evidenter video, te eò notitiæ rerum Catholicarum pervenisse, ut omnino nihil scias. Ita intimè penetraſti in Doctrinæ & Conſuetudinis Catholicæ Sacratium, prout olim imprudentes Virgines ad nuptias : *Clausa eſt janua.* Mat. 25. v. 10. Continua docet experientia, hæc quæ blateras. eſſe falſa: quòd autem de Confirmatione ſubjungis, non intelligis : Confirmationis enim Sacramentum diverſum eſt à Baptismo, & ab Episcopis conferri ſolet, etiam ritu Catholico Baptizatis.

78. Dum hæc ſeria tractamus, accurrit Antisophiſtes, incipitq; modo Concionatoriò Spiritualia quædam monita de charitate Doctori Løſcher inculcare, dicens pag. 12. *Non debemus conformari leſuitæ Scherer & malum pro malo refundere, hoc argumentum non eſt Theologicum, non eſt Chriſtianum &c.* En virum plenum Spiritu, ſed nequam? hortatur Doctorem Løſcher ad Chriſtianam pietatem tali loquendi forma quæ mendaciſſimum de Jeſuita Scherer ſuppoſitum confir- mare videatur.

79. Sed quis te Miniſtellorum miſerrimè; monitorem Doctoris Løſcher conſtituit? Ut
video,

Video ; omnia ius deq; apud vos abierunt : vulpecula monet vulpem ; pullus vult videri sagacior gallinâ ; caper mordet lûpum ; Antisophistes spiritualia monita Superintendenti insusurrat : & quod mirabilius est , *cæcus cæcum ducit*, Mat. c. 15. v. 14.

80. Sed brevi vos conciliabo : Saltabit uterq; cæcus per lacunam ; & postquam in hoc balneum ambo incideritis , alter alterum amplectetur , & salva erunt omnia.

81. Ex Scriptis utriusq; colligo, utrumq; in eodem gravissimo & saluti animarum perniciosissimo errore obcæcatum versari, nimirum , *Intentionem baptizandi in Ministro non requiri ad valorem Baptismi*. Sic expressè profitetur D. Löscher pag. 16. *Nos statui- mus , nullam omnino Intentionem necessariam esse in nostris Sacramentis*. Antisophistes autem in Responsione ad Objectionem 13tiam ita blaterat : *Si dum agitur de Sanctitate Baptismi , pensanda esset Persona baptizans, tunc triumpharent Donatista & Bapista &c. qui tantum Intentioni baptizantis deferunt &c.* Quo loco miscet quadrata rotundis, Sanctitatem Ministri cum Intentione : porro Ecclesia Catholica non docet Sanctitatem Ministri sed solum Intentionem Ministri requiri ad valorem Baptismi.

82. En Doctores ! doctores, utroq; oculo orbat, vultuque veritatem intueri ! volumus, respondent. Bene est, sed ante omnia orandum, non sicut consuevistis, Domine ut videar, verum cum illo cæco Evangelico: *Domine ut videam*, Lucæ c. 18 v. 35. Intentio non est vox Arabica, sed Latina, idemque significat in præsentia quod voluntas verè baptizandi, seu voluntas faciendi hoc quod Christus instituit, aut quod Christus voluit in talibus circumstantiis fieri, aut *saltem* faciendi quod facit Ecclesia, aut Christiani in talibus circumstantiis facere solent. Jam, Christus Dominus ita instituit Sacramenta, ut voluerit requiri talem voluntatem seu Intentionem Ministri. Unde hoc ? Ex Scriptura S. quia Scriptura indicat quod v. g. Baptizans Baptizando debeat id facere ut Minister Christi, adeoque in Persona & Nomine Christi, ut habetur 1. ad Cor: c. 4. v. 1. *Sic nos existimet homo ut Ministros Christi & Dispensatores Mysteriorum ejus*. Et 2. ad Cor. c. 2. v. 10. *Nam & ego quod donavi, si quid donavi, propter vos, in Persona Christi, ut non circumveniamur à Sathana, non enim ignoramus cognitiones ejus*. Hoc supposito, lumen rectæ rationis dictat, neminem agere aliquid ut Ministrum alterius, in Persona & nomine

alte.

alterius, nisi saltem aliquomodo velit seu intendat facere quod alter voluit nomine sui fieri. Satisne ad illuminationem?

83. Fortè cæci nondum vident, cuperent adhuc lavari in Natatoria Silotè, Joan: c. 9. v. 7. Natatoria hæc fortassis jam non existit in rerum natura: verùm aliud vobis balneum comparabo. Saltabitis, ut promissum est: 80. per lacunam, seu foveam aquâ refertam, & quoniam cæcus cæcum ducit, ut constat ex dictis num: 78. prævideo, utrumque in foveam casurum, juxta illud, Mat: c. 15. v. 14. *Cæcus autem si cæco ducatur præstet, ambo in foveam cadunt.* In hoc itaq; balneo, oculos vobis & caput lavabo.

84. D. Löscher objicio tibi casum: poterat contingere, quòd immediatè post prandium, cùm distractionis gratiâ legeres aliquod Rituale, ancilla vitrum aquæ ad lavandas manus, mensæ imponderet: jam, legendo illa verba, Ego te baptizo in nomine Patris &c. casu deturbâsti aquam in ancillam, aut etiam jocò in faciem ejus effudisti. Quæro rebaptizastinè ancillam tuam? utique protunc adfuerant, ablutio aquæ & verborum pronuntiatio. Quid defuit? nihil nisi intentio baptizandi. En jam sedet D. Löscher in balneo: lavetur ipsi caput.

85. D. Antisophista etiam tibi per eandem lacunam saltandum est. Poterat contingere, quod Uxor tua habens fortè piam consuetudinem dicendi in actionibus suis, Ego hoc facio in nomine Patris, & Filii, & Spiritûs S. protunc in balneo infantem suum è sordibus ablueret. Jam quæro, verè nè tunc baptizavit, an non? si baptizavit, Ergo filius tuus spectat ad Anabaptistas: si non, quid defuit? nihil nisi intentio seu voluntas Sacramentaliter abluendi, id est, baptizandi. En & iste cæcus sedet in fovea veluti balneo, lavetur ipsi caput.

86. Sed adhuc tibi D. Löscher habeo aliquid dicere: En, dolio fundum excidit: ruptæ sunt fides inlyra tua: perforati sunt folles: contracta sunt vasa fictilia: defluxit torrens: decidit folium: exaruit gramen: ensis rubigine consumptus est. Summa summarum, omnia tua argumenta evanuerunt.

Adverto Spectatorem tædium & nauseam quandam concipere ex tam longa istorum duorum hominum præsentia: proinde Scena aliquantum immutanda est.

SCENA QUINTA.

87. Altissimum indicitur silentium: omnis
luci

luci intereluditur aditus, totumque Theatrum atra caligine perfunditur. Umbras ipsas Scenâ hac artificiosè illuminabimus, an potius revelabimus. Comparebunt 7. larvæ infernales seu Dæmonia, (juxta numerum Epistolarum D. Löscher) totque malignos Spiritus in utroque Doctore latere demonstrabimus. Simile quid legitur in Scriptura: *Assumit alios 7. Spiritus nequiores &c.* Mat: 12. v. 45. Lucerna Magica erit ars & sagacitas Impietatem & pravas animi intentiones, è splendidis verborum involucris, detersò fictitii zeli colore, & excussâ falsæ pietatis larvâ, explicandi omnibusque revelandi. Lumen, Intellectus & recta consequentia. Pro vitreis simulacris & Iconibus quibus umbra spargenda, excerpta quædam de utriusque Doctoris Scriptis adhibebimus.

Cantus : Ut spolient, veniunt non semper nocte latrones!

Angelus esse solet lucis, & ipse latro.

88. *Inductio ima.* Iconem lucernæ meæ insinuo. En quàm terribilis relucet in pariete umbra: Ignivomus Spiritus, superbiæ inventor, omniumque fastuosorum Antesignanus *Lucifer*, aut verius *Lucifer*. Nunc serpit instar Hydræ spirantis septem faucibus ignem: nunc progreditur instar superbissi-

mi Leonis : nunc erigitur imitar tumidissimi Gigantis. Quid hæc significant ? Quod simulacrum tam horrificum spectrum peperit ?

89. Simulacrum hoc est Factum & Scriptum D. Löscher, nec non sui Antisophistæ. Eliminavit D. Löscher de Orandi Formula verba hæc, *Sanctum Baptisma*, suumque errorem edito in Lucem scripto defedere conatus : quo Spiritu ? Spiritu superbiæ & ambitionis : videri enim & haberi à populo volebat, veluti sagacior, zelosior, audentior, & resolutior omnibus reliquis Saxoniæ Prædicantibus, Lutheranismi adversus Catholicos Propugnator, ideoque alios hypocritas, Adulatores appellabat. 2do videri volebat apud vicinos Dissidentes, novæ Quæstionis Author & Examiner, novæ Sectæ & Schismatis Coryphæus : Sic enim loquitur Epist: 1. pag. 4. *Nemo adhuc questionem de Sanctitate Baptismi Romano-Catholici plenè discussit & ad calcem perduxit.*

90. Eodem omnino Superbiæ & Invidiæ Spiritu Rescriptum à suo Antisophista fabricatum est : qui e. c. pag. 26. sic loquitur : *D. Löscher intendit videri Antemurale adversus Papatum : tantamque sibi in ceteros usurpat Authoritatem, quanta nulli Evangelico*

Theo.

Theologo competit. Et pag. 27. *Agnoscat se errare posse, & toties jam in tot Controversiis errasse.* Et pag. 25. *D. Löscher non censuram querit, sed potius suæ opinionis sectatores.*

Hic exclamat *Isaias Propheta: Quomodo cecidisti Lucifer, qui mane oriebaris, c. 14. v. 12. Detracta est ad Inferos superbia tua. v. 11.*

Cantus: A fato Phaeton secior, Icarus, altum à casu immunis, ni petiisset, erat.

91. *Inductio 2da.* Aliud simulacrum lucernæ meæ insinuo: Et ecce, instar fulminis promicat inter umbras seditiosissimum spectrum *Abdon* dictum, ejus muneris est, tumultus & rebelliones adversus Principes Potestatesque legitimas, excitare, ideoque Apoc: 9. tumultuarius Spiritus appellatur. Nigerrimus, instar *Æthiopis*, caballo insidet: lingua è faucibus in terram usque pendula: ad latus tympanum cum inscriptione *Larm allarm.*

92. Quid ista denotant? Qui advertere desiderat undenam proficiatur *Diabolus* iste, bene perpendat ex una parte ausum *D. Löscher* circa orandi formulam: ex altera verò parte quomodo omnes suos hortetur in fine *Epistolæ 7. pag. 24. ne sequantur vestigia Iosaphat, juxta illud 2. Paralip.*

20. v. 35. & 2. Paralip. 19. v. 2. ubi dissimulato textu ipso præcisè caput & versum citavit. Porro ima citatio ita sonat : *Post hæc iniit Amicitiam Iosaphat cum Ochozia Rege Israhel cujus opera fuerant impiissima.* 2da autem sic : *Cui occurrit Iehu filius Hanani videns , & ait ad eum , Impio præbe auxilium , & his qui oderunt Dominum , amicitia jungeris.* Nec omnino dissimilem videtur præferre spiritum Antisophistes : revocetur in memoriam quod num. 31. & 32. diximus.

Hic Scriptura intonat : *Et versi in seditionem dixerant : quare nos fecisti ascendere de Aegypto.* Num. c. 20. v. 3. & 5.

93. *Inductio 3tia.* Applico 3tium simulacrum : & ecce depingitur umbra illius impuri dæmonis *Asmodæi*, cujus munus est homines in viam latam pertrahere , ad licentiam , dissolutionem , omneque scelerum genus aditum aperire. Personam Vectoris exhibet, longum in dextera verber gerit : sedet in prægrandi plastro, (putaret quis Lipsientem currum mercimoniis onustum progredi) solos vehit juvenes & juvenculas, tenentes phialas & tibias in manibus : omnes exultant, vociferantur, Jo ! quis libertati conscientia nostræ obicem ponat ? Jo !

Nullum sit pratum quod non pertransseat luxu-

via nostra, Sapi: c. 2. v. 8. Hotta, Hotta.
incipit clamare auriga: quid hoc? En, re-
ponit ille, flecto paulisper habenas, plau-
strum hoc in gyrum acturus. Sed quis lo-
cus adeo amplius? conscientia D. Löscher
& sui Antisophistæ.

Hic retonat vox de nubibus:

*Lata porta & spatiosa via est que ducit
ad perditionem, & multi sunt qui in-
trant per eam*, Mat: 7. v. 13.

*Et via que videtur homini recta & no-
vissima ejus ducunt ad mortem*, Proverb:
c. 16. v. 25.

94. Sed unde (mirantur omnes) vector
iste proficiscitur? Ex licentia conscientiæ
utriusque Doctoris, quem sub specioso Li-
bertatis conscientiæ titulo maximè in Scri-
ptis suis promovent. D. Löscher Epist. 7.
pag. 21. ait: *Cur non permittendum libera Ec-
clesiæ (& libertati conscientie qua gaudemus)
saltem titulum Sancti negare Baptismo*. Et
Epist. 3. p. 11. *Unica solam via est ad perdi-
tionem, nimirum infidelitas seu non credere*. Et
pag. 13. *Baptismi fadus certificare nos debet
de adipiscenda salute æterna &c.*

95. Ejusdem Spiritûs est Antisophistes:
c. c. pag. 13. hallucinatur: *Quicumque inter
illos, (Catholicos) libertatem suæ conscientie*
D s
que:

querit & per hoc ipsum, verum se esse membrum Ecclesie Christi demonstrat, eum mox à se relegant opprimunt & persequuntur Papista. Et in fine sui Scripti pag. 29. hortatur Catholicos ut omnibus Heterodoxis apud se degentibus conscientie libertatem (quam ipse Christus permisit) permittere velint.

96. Quid autem, rogo, sub specioso libertatis conscientie titulo adeo sollicitè promovere intendunt? Errorem nefandum, errorem quo infaniorum vix Orbis habuit, errorem qui ad omnem impietatem licentiam & libidinem viam aperit: nimirum, licere cuivis credere, docere, adeoque & facere quod sibi placet & videtur: nec cuiquam molestiam fieri debere, ut de via iniquitatis & perditionis in tramitem salutis reducatur, si libertatem conscientie prætetendat. Infero: Ergo nullæ blasphemie, perjurie, adulterie, impudicitie, nulla denique scelera punienda sed omnia toleranda, ne fortè libertati conscientie injuria fiat.

97. Respondet Antisophistes ad objectionem tomam pag. 14. *Libertas hæc conscientie non simpliciter & absque sufficienti limitatione distinctione sumenda.* Sed quam rogo affers distinctionem & limitationem? fortè vis, Libertatem conscientie patrocinari solum

per

per ordinem ad hæc quæ salutem Animarum
officere possent, non tamen etiam ad illa,
quæ bonis corporis vel fortunæ aut humano
commercio? O insanum caput! *Nonne A-*
nima plus est quam esca? Mat. c. 6. v. 25.
Aut fortè vis, patrocinari solùm in materia
Fidei, ita ut liceat cuivis credere quod vult,
docere quod vult, decipere in rebus Fidei
populum quomodo vult, seminare errores
quos vult, calumniis contumeliis mendaciis,
quibus vult, Ecclesiam Catholicam afficere,
modo prætendat, ita dictare sibi conscien-
tiam? En novum Quakeristam: en talem
re vera insaniam homines isti ita strenuè pro-
movent sub specioso libertatis conscientiæ
& Fidei vocabulo. Quod genus hominum?
quæ per Orbem terrarum secta talia un-
quam permiserat? Quàm indignissimè tra-
ctatur Fides primum salutis fundamentum,
dum circa illam, conscientiæ licentiâ cuivis
patrocinari permittitur, quamvis id circa a-
lias actiones, ob merum secularium Judicium
non permittatur.

Et hic omnes alloquitur S. Petrus Epist. 2,
c. 2. à versu 17. *Hi sunt fontes sine a-*
qua, & nebule turbinibus exagitate, qui-
bus caligo tenebrarum reservatur. Su-
perba enim vanitatis loquentes, pellicinæ

in desideriis carnis luxuriæ eos, qui parvulum effugiunt, qui in errore conversantur, Libertatem illis promittentes, cum ipsi servi sint corruptionis.

Cantu : Si liceat quodcumque liber, claudatur Olympus,
Sola sub Infernum semita laxa liber.

Quid est licentia, quam D. Löscher cum suo Antisophista Christianam conscientię libertatem appellant?

Resp: Cantu: Mons securo nimis, quid sit, vis discere?
Sylva est,
cujus alit pecudes tristior umbra feras.
Est vel cæca specus furvis habitanda chelydri,
Ireus exambit herus, quam coluisse,
draco.

98. *Inductio 4ta.* Exhibetur inter umbras 4tum dæmonium, nimirum malitiosissimus ille spiritus, *Beelzebub* dictus, speciem induit prægrandis serpentis; scintillat oculis; stridet dentibus; aculeum velut lanceam unâ cum flammis continuò evomit; caudam circumquaque volutat. Sed quæ caverna Monstrum hoc venenosissimum in lucem publicam protulit?

99. Evolve Spectator D. Löscher nuper editas Epistolas, & adverte plus quàm viperinam malitiam; ~~imo~~ adversus Serenissimum
Re-

Regem Dominum suum, Romanum Imperium, omnesque Principes Catholicos: Epistola enim 1. pag. 6. iniquissimè eos comparat, ut videre est superius num: 45. Epist. autem 7. tales adducit Scripturæ textus, quibus odium eorum excitare conatur in populo. Videatur num: 92.

100. 2da adversus Catholicos in universum: Epist. enim 7. pag. 19. *vocat inimicos Crucis Christi.* pag. 22. inquit: *per denominationem hanc, Sanctum Baptisma, posset quis favorem pro parte Romano-Catholica Ecclesiæ cogitationem concipere &c. & ideo negat, etiam Sacramentum Baptismi esse Sanctum.*

101. 3tio adversus populi æternam salutem: merè enim ex spiritu contradictionis & malitiæ, quòd adverterit Concil. Tridentinum exigere ad valorem Sacramenti Intentionem *saltem* faciendi quod facit Ecclesiæ, profitetur Epist: 5, *Se omnem penitus Intentionem rejicere:* (in quo errore etiam Antisophistam deprehendimus reprehendimus- què à num: 81.) adeoque exponit omnes quoscunque Baptizat, periculo frustrationis Sacramenti & æternæ damnationis. Ex Epistola 7ima apertè colligitur, se ideo nolle Baptismum Catholicorum nominare Sanctum

Etum , ut sui horrorem ac detestationem
Catholicæ Ecclesiæ concipiant : & quod in-
de sequitur , ut nequidem inquirent verita-
tem & salutis tramitem.

102. Idem infernalis spiritus in Antisophi-
stæ Rescripto satis manifestè relucet : c. c.
pag. 3. postquam plurima adversus Romā-
nam Ecclesiam palmaria mendacia evomuis-
set, subjungit : *qui hæc bene considerat , im-
possibile est, ut inclinationem quandam aut prò-
pensionem in Romanam Catholicam Ecclesiam
habere possit , sed potius sibi gratuletur , quod
longè ab eadem remotus sit.*

Hic exclamat Sapiens : *In malevolam ani-
mam non introibit sapientia, nec habita-
bit in corpore subito peccatis , Sapi: c. i.
v. 4.*

*Cantus : Se magis ille ferit , qui aliis dare vulnera
quærit,
ut quætiendo , petram fragitur unda ,
maris.*

103. *Inductio 5ta.* Sed revelemus adhuc
plura quæ videbantur esse abscondita. Eh-
titubans egreditur umbra , stultissimus ille,
mente & oculis obfuscatus Diabolus, *Bohē-
moth* dictus, qui aliàs cæcitatem spiritualem,
inter homines, vanas suspiciones, judicia tē-
meraria, sinistras etiam optimarum actionum
inter-

interpretationes , disseminare consuevit.
Compāret sub forma deformissimæ vetu-
læ : reptat Scipioni innixus, vultu & capite
terram versus defluente : dorsum habet præ-
grandi gibbo , nasum verò perspicilliiis mo-
lochinis ephippiatum.

104. Partem monstri deponatū & totum
revelabo monstrum : ignorantiam scilicet,
cæcitatem & insipientiam D. Löscher suiq;
Antisophistæ , & exinde emanans iudicium
temerarium de actionibus & consuetudini-
bus Catholicorum, Epist. 3. pag. 2. Idiotā,
non percipiens terminos Theologicos, putat
nomine *Operis operati*, in Sacramentis , item
Intentionis Ministri , intelligi apud Catholi-
cos opera bona virtutum : item benedictio-
nem campanarum haberi pro Sacramento
Baptismi : & ideo temerarium subjungit
Iudicium, inferendo , *Ergo Spiritus S. Chri-
stus, Sanguis Christi , totaque Sancta Trinitas
non prosunt ullatenus in Sacramentis &c.* Et
Epist. 1. pag. 7. Non intelligens finem , in-
tentionem , significationem cæremoniarum
Catholicarum ipsasq; Cæremonias , iudicat
temerè & contumeliosè dicens : *multò mi-
nùs possumus hoc* (nimirum cæremonias Ca-
tholicorum) *per quod læduntur DEI Præce-
pta , vocare Sanctum.* Idem omnino spifi-
tus

tus videri potest in Responsis Antisophistæ.

105. Re vera duo in utroque Bohemotano Doctore suspicio, & oculos obfuscatos in capite, & perspicillia molochina in naso: hinc fit; omne lucidum videri sibi tenebrosum; omne candidum, molochinum; omne pium & sanctum, impium & profanum. Nocturni isti bubones, ligna sua putrida splendere arbitrantur, solem verò destitutum esse lumine existimant. Dulces sibi videntur Ægyptiorum cepæ, Manna amarissimum.

106. Vos de nostris Ritibus ita judicatis, prout olim Iscariotes de illa Magdalenæ caeremonia, dum pretiosum oleum fracto alabastro in Caput Christi effunderet, Marcus. 14. v. 3. Judas putabat opus hoc esse vanum frustraneum inutile: vos verò omnino superstitionis notâ affecissetis: Secus Christus, judicat, dicens, Bonum opus operatum est. v. 6. Advertitis devotiones, affectus, provolutiones in genua & faciem, apud Catholicos, & judicatis ebrizæ aut insanæ mentis indicia esse, prout olim in judicio suo deliraverat Heli, videns Annam Samuelis Matrem affectuosè orantem, 1. Reg. c. 1, v. 14. Processiones aliasque pias consuetudines rideatis, contemnitis sicut olim tumida illa

Mi-

Michol, Davidis tripudia circa Arcam Domini, 2. Reg. c. 6. v. 16. Verbo, *quæ ignorant blasphemant*, Judæ, v. 10. Sinistriè interpretantur, atq; in pravum sensum detorquent: imitantur Judæos, Mat: 27. v. 46. qui adver-
tentes Christum Dominum in Cruce exclamare, Eli, Eli &c. reposuerunt Eliam vocat: Sed quæ horum omnium radix & causa est? Ignorantia, mentis cæcitas, & perversi Judi-
cii perspicillia.

En clamat Sapiens: *Hæc cogitaverunt & erraverunt, excecavit enim illos malitia eorum.* Sapi: c. 2. v. 21.

Cantus: Integer ut cæco tenebrosus creditur orbis,
Ut male cuncta videt bona quamvis, palpe-
bra languens,
Sic quosvis reprobos judicat, ipse malus.

Idem delicti reprehensor & author. Ovidius.

107. *Inductio 6ta.* Sextum applico simu-
lacrum, & ascendit quidem umbra, sed ad-
modum obscura. Quid videtis? Respon-
dent omnes, videmus Diabolum nomine
Asteroth, qui est spiritus mendacium, falso-
rum, graviterq; homines decipientium Do-
ctorum. Ita sane: rem acu tetigistis. Sed
sub qua specie comparet? Respondent alii:
quasi Ursus. O non sic terribilis est. Alii
reponunt: quasi Elephas. Hoc multum;

Alii : quasi Annus. Hoc parum. Inspicite paulò exactiùs : en adumbratur veluti Lupus sub pelle ovina juxta illud : *Attendite à falsis Prophetis , qui veniunt ad vos in vestimentis ovium , intrinsecus autem sunt lupi rapaces.* Mat: c. 7. v. 15. Sed & hoc mirandum quòd nasum enormiter longum gerat.

108. Umbra hæc , mendacia , fraudes , contumelias sub specioso verborum involucro , contentas in utriusque Authoris scripto , denotat. D. Löscher mentitur , Catholicos docere absolute , Baptismum Lutheranorum esse invalidum ; ad se conversos quoad aliquas partes substantiales rebaptizare ; Cæremonias & Ritus , item Characterem Indulgentias & opera bona baptizantis habere pro partibus essentialibus Baptismi &c. &c. vide Epistolam ejus , 3. 5. & 7.

109. Antisophistes mentitur in genere , plurimos & saluti Animarum valde noxios reperiri in Ecclesia Catholica errores ; plures dari hæreticos Martyres in Papatu interfectos pro Fide , quam primis tribus seculis tempore Paganismi. &c. &c. vide plura pag. 2. 3. 16. 28. non enim , ut referantur , digna sunt.

Hic intonat Propheta David : *Mendaces Filii hominum in stateris,* Psal. 61. v. 10.
Ego

Ego utrumque Doctorem impono huic stat-
teræ, & subscribo :

THECEL.

Quod interpretatur, Inventus es minus habens,
Dan. 5. v. 27.

Cantus : Externo, ingenium fateor tibi more po-
litum :

Cretenses, disco, te coluisse plagas.

110, *Inductio 7tima.* Tandem septimus
Diabolus sub umbris promicat, & complet
numerum Epistolarum D. Löscher; estque
spiritus ille melancholicus, qui *Leviathan*
appellatur. Figuram exhibet macilenti &
ossa renudantis Caballi, qui totus medita-
bundus saccum avenæ, proximè positum
continud intuetur.

111. Umbram hanc peperit clausula Epi-
stolæ septimæ D. Löscher, quæ ita sonat :
Eousque in meditationibus meis perveni. En
D. Löscher meditatur: sed ita prout Isaia
c. 59. v. 11. legimus : *Rugiemus quasi ursi,*
& quasi columba meditantes gememus. Do-
ctor Löscher meditatur, sed sicut illi : *Non*
clamaverunt ad me in corde suo, sed ululabant
in cubilibus suis, super triticum & vinum ru-
minabant. Oseæ c. 7. v. 14.

112. *Quid meditaris D. Doctor ? fortè*

E 2 me.

meditaris avenam. Sed avena subtrahenda esset, equus enim iste nimis insolenter etiam Domino suo recalcitrat. Quid meditaris? fortè illud Psal: 2. v. 1. *Meditati sunt inania.* An illud? Psal. 89. v. 9. *Sicut aranea meditantur*: nimirum quomodo alios illaqueare valeas. Quid meditaris D. Doctor? fortè illud Prover: 17. v. 19. *Qui meditatur discordias, diligit rixas, & qui exaltat os suum querit ruinam.* Eousque fortè pervenisti in meditationibus tuis, quò olim Saul, dum spiritu melancholico obsideretur, 1. Reg. 18. v. 11. transfoderes monitores tuos si posses. Sed brevi arripiam citharam & hilariores sensus excitabo.

113. D. Löscher, visis tot tantisque spectris exterritus, in terram labitur, gravissimè langvere incipit. O utinam tales tricas nunquam excitâssem! exclamat: detestor factum & scriptum meum. Uxor, puer, ancilla, quantocyùs advocate medicum.

Cantus: Dæmon langvebat, melior tunc esse volebat postquam convaleuit, mansit ut ante fuit.

114. Accurrit Medicus. pulsus experitur: nihil hîc periculi est, reponit. Deliquio causam dederunt tumidi è stomacho ascendentes vapores, quos spectrorum apprehensio nimis violenter concitaverat. Detur

ipsi

ipſi. quam primum, lac aſinuum, radix Gal-
gan, ſpiritus tartari, omnia ſimul diſtillata in
cinere, & poterit hac adhuc horâ, vegetus
utroque pede exultare. Stetit ſanè promiſ-
ſis medicina, ut mox videbimus.

SCENA SEXTA.

115. D. Doctor, ut video, vegetus es, in-
ſtar illius piſcis apud Tobiam, *capit palpitare
ante pedes ejus*, c. 6. v. 4. agilis es, inſtar il-
lius blandimenti, *tunc præcucurrit canis &
blandimentô ſua cauda gaudebat*, Tob. 11. v. 9.
igitur ſublultandum. Jam ſatis triſtiæ da-
tum: meditationes tuæ aliquantùm inter-
rumpendæ: lætandum, ovandum exultan-
dum eſt. Allegro! hilaris ſis D. Doctor:
melancholia nutrix diaboli eſt, prout exper-
tus Saul, 1. R. c. 18. v. 11.

116. Saltum nobis exhibiturus es, ut Spe-
ſtator præcedenti Scenâ paulò contriſtatus,
lætiores ſenſus concipiat. Nec arbitreris,
talìa dedecere ſtatum tuum, cùm etiam in
Bibliis de ſaltibus legatur: Saltârunt Judæi
in deſerto circa *vitulum conſtatilem*, Exodi 32
v. 5. *Saltârunt ſtruthiones & piloſi*, Iſa: c. 13.
v. 21. *Saltavit filia Herodiadis*, Mat: 14. v. 6.
Ne verò te pudeat, nec agnoſcaris de facie
ab hominibus, poteris inſtar larvæ adhibere

illum prætextum quem adducis Epistolâ 7.
nimirum libertatem conscientiæ. Porro sal-
tus hic denotabit modos omnes, quibus,
saltando nunc ad hoc, nunc ad illud, nunc
ad istud, conaris errorem tuum defendere.

117. Doctor fingit, se nolle saltare, mur-
murat, ore, capite pedibusque titubat, ac si-
prsum ad saltum invitaret: exacerbatur vul-
tum, quasi lagena acetô plena. Advertens
nihilominus, Scenam hanc aliter peragi non
posse, subsilire incipit.

Et auditur Quo pulsata fides, plectro resonabit
cantus: ^{eodem,} Ursus si saltat, par quoque saltus erit.

118. Doctor Löscher citatis passibus cir-
cumcursitat per theatrum, instar phrenetici;
solas capite efformat vertigines: totum gy-
rat corpus in circulum continuò ingemi-
nans, Ergo, Ergo, Ergo; vulpinâ caudâ ex-
pelli mulcas putares.

119. Quid hæc significant? significant mo-
dum ejus argumentandi adversus Ecclesiam
Romanam Epist. 3. & aliis: Ecclesia Romano-
Catholica adhibet tempore Baptismi cere-
monias humanas; Ergo ipse Baptismus non
est dicendus Sanctus. Ecclesia Romana
præcipit sub interminatione Anathematis,
ut Ritus consveti non contemnantur sed ob-

fer-

serventur : Ergo Ritus sunt ipse Baptismus & partes ejus essentielles. Ecclesia Romana docet , Baptismum conferre Gratiā ex opere operato : Ergo opera bona Baptizantis requiruntur ad valorem Baptismi. Ecclesia Romana docet effectum Baptismi esse deletionem peccati originalis, characterem indebilem : Ergo hæc omnia dicuntur Baptismus. Ecclesia Romana docet hominem in hac mortali vita non scire absolute certò & infallibiliter, se defacto virā beatam assecuturum , sed solum sub conditione, si servaverit mandata (juxta illud : *Nescit homo utrum amore an odio dignus sit , sed omnia in futurum servantur incerta*, Eccle. c.9. & 1. & 2. & ideo monet Paulus ad Philip. 2.v.12. *Cum metu & tremore vestram salutem operamini.*) Ergo Baptismus Catholicorum non est dicendus Sanctus. D. Doctor omnes hæc consequentiæ sunt non ad rem , & solæ capitis vertigines , ut ostensum superius. Sed ne vertiginosus saltandi modus , cerebrum tuum penitus obruat, arripe alium faciliorem.

120. D. Doctor, imo, exhibe nobis *Florettam* : Doctor incedit lentius , trahendo pedes per pavementum. Quid denotat hæc Floretta ? Epistolâ ima reptat in pulvere

grammatico, formatque ubi accessum ad
ulteriora, explicando inepte vocem hanc,
Sanctus, & dividendo Sanctitatem in phy-
sicam, politicam, & Theologicam; tacite in-
tendens, Sanctitatem Baptismi Romano-
Catholici ad unum aut 2dum genus Sancti-
tatis revocare.

121. Domine Doctor, fac nobis *Repre-
zam*: & mox trahendo pedes per pavimen-
tum; celerius incedit. Quid significat hæc
Repreza? Epistolâ 3tia velociorem videtur
facere progressum, inquires: *Ecclesia Ro-
mano-Catholica præter aquam & Verbum
DEI, tam multos Ritus humanos, unctionem,
exorcismum, characterem Indulgentias statuit
pro partibus essentialibus Baptismi: Proinde
(concludit ipse in Persona alterius, Epist. 4ta)
omnino concedendum est, Baptismum Catholi-
corum non debere dici Sanctum.* Quàm ex-
pedite D. Löscher totam expedivit difficul-
tatem! in hæc *Repreza*, Antecedens est
mendacium, Consequentia delirium, ut satis
ample superius demonstratum.

Et hic denuo re-
sonat cantus:

Si occupat siva manum,
pingere cupis in vanum:
cum resonat rudis lyra,
Gallus salget! res est mirat.
Sic plebs vilis e mapali,
saltu pedem implet tali.

122. Doctor, forma nobis *Spacadam*. Doctor incedit, obliquando pedes antrorsum in formam crucis. Quid hoc? En Epistola 7. inquit: *etiam umbram mali avertere debemus, ac proinde Catholicorum Baptismum non appellare Sanctum, ne fortè rudiores existiment, nos vel in hoc puncto convenire cum Catholicis. Item appingemus Catholicis nugam & maculam &c.* O Doctor abi in malam crucem cum tua *Spacada*: hìc adeo cespitasti ut in cænosum balneum incideris.

123. Doctor, circumplica te pedetentim in saltu, & fac nobis *Passadam*. Fecit id Epist. 5. ubi quasi retorquet Argumentum: *Catholici non concedunt Baptismum nostrum esse validum, Ergo & nos dicamus Illorum non esse Sanctum.* In hac *Passade* torquet se Doctor instar gladii *Passaviensis*. Sed & Antecedens est falsum, & Consequentiam non subsistere, ostendimus Scenâ 4ta.

124. Doctor, volve te in gyrum, & exhibe nobis *Zurlam*. Ita facit pag. 16. dicens: *Quamvis nostros ad suam Fidem accedentes videantur non rebaptizare Catholici, tamen superaddere solent veluti essentialia, quæ in nostro Baptismo omissa fuerant.* Hìc adeo fefellit vestigium, ut naso pavimentum attriveris, juxta dicta superius.

125. Doctor, subsultando effinge nobis *Mezam*. Si *Baptismum Catholicum* appellaremus *Sanctum* (inquit ille) posset quis ansam accipere, successu temporis etiam *Ecclesiam Catholicam* dicendi *Sanctam*. Et hoc insultu Caper iste in ipsos *Ecclesiæ* parietes impigit.

126. Tandem 7^{mo}, ne molesti simus Spectatori, exhibe nobis duplicem simul regressum, *Recazadam* scilicet & *Retiradam*. Itaque imo, saltando abit retrorsum in modum lunæ, dicens Epist. 7. *Sed quidquid sit saltem illi, qui conscientiam & scrupulum habet, Baptismum Catholicorum appellare Sanctum, conscientie libertas adimi non poterit. Expecta, subsiste, festina lentius cum tua Recazada, jam enim supinus in balneum laberis. 2do retrocedit, multifariam movendo dorsum, facitque Retiradam, dicens: Posset etiam adhiberi distinctio inter Ratum & Sanctum: item distinctio est facienda inter concretum & abstractum.*

127. Et ecce universus populus effusissime cachinnari incipit, exclamans, ratum, ratum, ratum habemus, Doctorem Löscher esse N. N. Ad voces illas, concretum abstractum, omnes velant oculos: D. Doctor desiste jam, desine abrumpe quantoque us sal-
tum,

tum ; putant enim homines , ex nimia commotione, concretum apud te factum esse abstractum. Claudatur Proscenium.

SCENA SEPTIMA.

Proponuntur Symbola.

1mo adumbratur Symbolicè *Factum De*
Lösher. Gallinaceus in balneum incidens ;
alīs & pedibus totiusque corporis nisu conatur in altum eluctari : sed frustra. Lemma
ma subscriptum legitur : *Sed revocare gradum, superasq; evadere ad auras,*

hoc opus hic labor est. Virg. l. 6. Æneid.

2do. *Septem ejus Literæ.* Pinguntur 7.
spicæ tenues & vento urēte percussæ Gen: 21.
v. 6. Subscrip: *Deorsum radices ejus siccantur, sursum autem atteratur messis ejus.* Job. 18
v. 16. Item 7. funes disrupti Judicium c. 16.
Subscrip: *rupit vincula quomodo quis filum de stupa.* v. 9. Item 7. boves crassæ Gen: 41. v. 4. Subscrip: *devorata sunt.*

3tio adumbrantur *trix utriusq; Doctoris,*
Dux scaphæ eidem littori alligatæ, ludentibus undis se mutuò succutiunt. Lemma :
Concordia discors. Item pyrobolus cum terribili strepitu in sublime evolans , & mox evanescens. Lemma : *post fulgura tandem grande*

grande nihil. Item exarantur supra utriusque Doctoris scriptum solæ cyfræ. Inferius Subscrip: *Quanti hæc æstimanda, lege superius.*

4to Symbolicè exprimitur *præsens Comædia.* Sol sereno vultu univertum illuminans. Lemma: *utilior, si videat, orbi.* Duo in Insulis Fortunatis reperiuntur fontes (teste Pompolio Mela) unus bibentes ad ridendum vehementer provocat, alter risum temperat. Lemma: *Seria habes condita jociis.*


5to tandem adumbratur, *quicunque huius Opusculo malitiosè detraheret.* Forfices sartoriæ latent inter panni segmenta absconditæ: levi brachio percutitur mensa, & forfices seipsas produnt. Lemma: *tenui produntur in ictu.*

EPILOGVS.

Finem Actioni & passioni imponimus: Spectator humanissime. Si cuiquam visum est, nos, vel jucunda, nimis seridè tractasse, vel jucunditatis limites excessisse? condonet; nemo tamen arbitretur, adversus quempiam exorbitasse. Quicunque enim siue insolens factum prædictorum hominum, siue insolitam adversus Sacro. Sanctum

Etum Baptisma temeritatem bene perpen-
derit , fateri debebit , hujusmodi ausus
talem , imo tristiciorem Scenam promeruiſ-
ſe, Quodſi tamen tumultuarii Spiritus iſti,
hoc levi brachio nondum emendati , com-
poni ad quietem noluerint , aut novis in lu-
cem editis ſpectris , vindictam quærere præ-
ſumpſerint , infallibiliter experientur ,
quàm graves, exorcizando,
manus geram.






FOR THE



GE





Biblioteka Jagiellońska



stdr0026874

